

Client: PIKOM
Publication: Bernama
Format: Online
Subject: Pikom Ketua Delegasi 60 Pemimpin Industri Ke WCIT & Sidang Kemuncak Di Taiwan
Section: News
Date: 15th August 2017



Pikom Ketua Delegasi 60 Pemimpin Industri Ke WCIT & Sidang Kemuncak Di Taiwan

Tarikh kemaskini: 15/08/2017

KUALA LUMPUR, 15 Ogos (Bernama) -- Persatuan Industri Teknologi Maklumat dan Komunikasi (ICT) Kebangsaan Malaysia (Pikom), akan mengetuai delegasi 60 pemimpin industri ICT dari organisasi sektor swasta dan awam, ke Kongres Dunia Teknologi Maklumat (WCIT) ke-21 dan Sidang Kemuncak ICT Pertubuhan Industri Pengkomputeran Asia-Oceania (ASOCIO) tahunan di Taiwan.

WCIT dan Sidang Kemuncak ICT ASOCIO, merupakan acara industri ICT utama Asia, akan diadakan serentak pada 10 hingga 14 Sept, 2017 di Pusat Konvensyen Antarabangsa Taipei.

Lebih 3,000 peserta terdiri daripada pemimpin industri ICT, kumpulan eksekutif tertinggi, usahawan, ahli akademik, golongan berwawasan dan pemimpin kerajaan dari 80 negara dan ekonomi dijangka menyertai acara tersebut, menurut Pikom dalam kenyataan.

Pikom berkata, seiring dengan tema 'Fulfilling the Promise of the Digital Age: Building and Sharing the Digital Dream', ASOCIO akan melancarkan laporan penyelidikan sulung mereka bertajuk 'Reimagining the Digital Era' semasa sidang kemuncak itu.

Pengerusi ASOCIO, David Wong Nan Fay berkata ekonomi kukuh dan pesat Asia Pasifik, demografi yang baik, pelaburan ICT dan penyepaduan ekonomi berterusan telah meletakkan asas untuk rantau ini menjadi peneraju dunia dalam ekonomi digital.....